


**ELOQUENTIAE SERIIS  
CULTORIBUS,  
SACROR. & CIVIL  
FACUNDA ARTE  
REGUNDOR...**

---

Georg Caspar Kirchmaier





58234.3

# ELOQVENTIÆ


SERII CULTORIBUS,

Sacror. & Civil. facundâ arte regun-  
dor. Admiratoribus S. P.

GEORG. CASP. KIRCHMAJERUS,

Orator. Prof. Publ in Electoral. Academiâ

VVITTEBERG.



Liturgi JOHANNIS WILCKI,  
A. d. 179 LXXXIII.

PL 007 112

PL 007 112


PL 007 112

PL 007 112

PL 007 112

PL 007 112

PL 007 112



PL 007 112

PL 007 112

PL 007 112



um & literarum & pugnandi glo-

ria gens nulla unquam superaverit Romanos, seu virtutum magnitudinem, seu Majestatis admirationē æstimes, seu diuturnitatem deniq; Imperii, quod in Orbis penē omnis cardines vim diffundebat suam, & ad æmulationem usq; posteris transmisit; (ut aut appellentur Cæsares Romani meritō, aut magnis animorum armorumq; motibus affectent alii,) tūm maximē dicendi laudem adeo fecerunt sibi propriam, ut palmam nationibus præripuisse universis videantur. Sciscitanti causas multæ ac gravissimæ occurrunt quidem, ab hoc tamen instituto alienæ; quæ in rem faciunt præsentem, potiores *duæ artes sunt*, ut *Ciceronis* testimonio utamur, *quæ possunt locare hominem* (quidni etiam Rempublicam?) *in amplissimo dignitatis gradu; una Imperatoris, altera Oratoris boni.* Ab hoc enim pacis ornamenta retinentur: ab illo pericula belli repelluntur. Togæ scilicet sagiq; tempora prudentiam gubernatricem & justiciam non minus, quàm fortitudinem heroicisq; ausus poscunt: ut non temerē armatam Palladem confinxerit antiquitas. *Imperatoriam, ait Imperator ipse, Majestatem non solum armis decoratam, sed Legibus etiam armatam esse oportere; ut utrumq; tempus, & bellorum & pacis recte possit gubernari.*

*Orat.  
pro Muran.*

Sed hic alterius duntaxat curam suscepturi atqve commendationem sumus, quando sponte suâ, juxta Ennianum illud, *spernitur Orator bonus, horridu miles amatur.* Magna

de CC. cor-  
rupt. Elogv.

Plutarchi in  
vit. Pyrrhi

maximi Scriptoris vox habenda ap. *Tacit.* dialogo: Nemi-  
nem magnam sine Eloquentiâ potentiam fuisse assecutum.  
Aded, ut *Reges omnes, Deo quidem charos, Elo-*  
*quentiâ donatos cœlitis fuisse.* affirmaverit *Hesiodus.*  
Dicendi excellentiâ quid *Cineas* effecerit, testatus *Pyrrhus*  
Rex Epirotarum; plures *Cineas* oratione occupasse urbes se, quàm  
armis suis potuisse. Fulmen istud Macedoniæ *Philippus* uni-  
cum *Demosthenem* plus totâ fertur formidasse Græciâ. *Pisi-*  
*stratus* Atheniensium Tyrannus valuit tantoperè dicendo,  
ut Imperium illi solitarium, oratione ejus capti Attici, con-  
cederent. *Philippo* patre major *Alexander* filius, cum præ-  
liandi tempora instarent, gentes singulas oratione variâ &  
accommodatâ, *Curtio* prodente id memoriæ, alloquebatur:  
Illyrios Thracasq; opum & divitiarum ostentatione; Græ-  
cos veterum bellorum recordatione ac perpetui cum Persis  
accendebat odii; Macedonas Europæ victæ admonebat nunc,  
nunc expetitæ Asiæ implebat spe; nec inventos toto pares  
Orbe suis, gloriatus. Affecit ita singulorum certè animos, &  
nihil non effecit. *C. Julium Cæsarem* (ut ad Romanos rever-  
tamur nostros,) *Apollonio* Rhetori clarissimo navasse ope-  
ram, *Svetonius* testatur; eundemq; præter alia subsidia in pri-  
mis fretum Eloquentiâ, suprema rerum invasisse culmina,  
Scriptores celeberrimi testantur. *M. Tullius Pompeji* inter  
artes cæteras imperatorias mirificè commendat gratiam &  
vim dicendi; ut sub initia civilis belli declamandi consuetu-  
dinem repetiisse ipsum; Cæsarem *Augustum* etiam ne Muti-  
nensi quidem bello omisisse, memorat *Tranquillus.* Eloquen-  
tiæ adminiculo *Antoñius* ad obtruncandum se emissos mi-  
lites sævisimos, ut gladios evaginato redderent vaginis, po-  
tentissimè obstupefecit. Hujus ope Romanorum ad id tem-  
poris Senator disertissimus, *Menenius Agrippa*, factiosam  
arma-

armatamq; plebem revocavit ad consilia saniora, & Senatui subjecit iterum. Accuratissimè Virgilius vim illam animos domandi his expresit:

--- Ac veluti magnus in populo cum sapè coorta est  
Seditio, scvitq; animis ignobile vulgus,  
Jamq; faces & saxa volant, furor arma ministrat:  
Tum pietate gravem ac meritis si fortè Virum quem  
Conspexere, silent, arrectisq; auribus adstant.  
**Ille regit dictis animos, ac pectora mulcet.**

1. *Eni*

Jam, ut, quàm verè Plato scripserit, *communicare cum auctoritate Regiæ Oratoriam dignitatem, dum, quod justum est, persuadet, & cum illa publicas res administrat, conslet, prodeant Imperatores primùm, incorrupti judices post Deum summi, & Brabeutz. Cari filius Numerianus Cæsar, cum ponenda ipsi statua in Bibliotheca esset, non Cæsareæ potestatis nomine, sed Eloquentiæ ingeniūq; gloriā invenit ibi locum:*

*Flav. Vop. de  
cod.*

NUMERIANO. CÆSARI. ORATORI. SUIS.

TEMPORIBUS. POTENTISSIMO.

Oratio nimirū ejus, Flavio dicente, tantum habuisse fertur Eloquentia, ut illi statua, non quasi Cæsari, sed quasi Rhetori decerneretur. Nec tantum in Ulpia, quæ Romæ erat, Bibliotheca, sed & in Provinciis quibusdam habitus hic Oratoriæ honos, ipsemet, qui Ulpiam instituit, Trajanus, artiumq; & scientiarum benignissimus patronus extitit, in Bithyniæ provinciâ, & quidem Prusiæ statuam amavit poni, Plinio auctore: Ipse, inquit, in re presenti sui, & vidi tuam quoq; statuam in Bibliotheca positam. Idem Optimus Trajanus Celsum Rhetorem honore statuae dignatus ap. Xiphilinum legitur. Panegyristes & Collega Cæsaris Trajani admiratione plenus veluti exclamat: Quem honorem dicendi Magistris, quam dignitatem sapientiæ doctoribus habes? Quasi ageretur tædio Mater-nus, asserit ibidem: q. comitatus istos & egressus, aut frequen-

*Plin. l. 2.  
Epist. 85.*

*Xiphilin. lib.  
68.  
Plin. in Pan-  
egyri.*



Capitolin. in  
M. Antonin.  
Conf. & Eu-  
seb. posterior.  
Chronie. lib.  
Id. in Anton.  
Pio.  
in Antonin.  
Philos.

Themist.  
Orat. 17.

Constantius  
in epist. ad  
Eumen.

tiam salutationum concupisco; non magis, quàm era & ima-  
gines, quæ etiam me nolente in domum meam irruerunt. Et  
quid de Frontone, M. Antonini cogitabimus magistro, si Ca-  
pitolino auscultemus? Oratoribus usus est Græcis, Annio Mar-  
co, Caninio Celere, & Hero de Attico Latino, Frontone Cornelio.  
Sed multum ex his detulit Frontoni, cui & statuam in Se-  
natu posuit. Nec illud tantum; sed Rhetoribus per quas-  
libet provincias honores & salaria constituit. Posteritas vix  
habitura fidem aliàs fuisset, nisi de Imperatore sapientiori  
Antonino retulisset id Capitolinus in illius gestis: Tantum ho-  
noris magistris suis detulit, ut imagines eorum AUREAS ha-  
beret in LARARIO, & sepulchra eorum aditu, hostiis, flori-  
busq; semper honoraret. Prætergredior Themistii honorem  
& Constantio tributum.

Memorable in ævum omne (nescio an uspiam loco-  
rum, nisi forsitan in Svecia, à Perillustri Skyetio, exempli loco  
iteratum?) factum est Constantii Imperatoris antea laudati.  
Ita quidem ille ad Eumenium insignem Oratorem: Quod al-  
liud pramium conferre debemus, quàm quod nec dare potest,  
nec eripere Fortuna? Salvo igitur privilegio dignitatis tue,  
hortamur, ut Professionem Oratoriam repetas atque in (Au-  
gustodunensium) supradictâ Civitate, quâ non ignoras nos  
ad pristinam gloriam reformare, ad vitæ melioris studium a-  
dolescentium excolas mentes; nec putes, hoc munere ante partis  
aliquid tuis honoribus derogari; cum honesta Professio ornet  
potius omnem, quàm destruat, dignitatem. Deniq; etiam sala-  
rium te in SEXCENTIS MILLIBUS NUMMUM, ex Reipu-  
blica viribus consequi volumus; ut intelligas, MERITIS TUIS  
etiam nostram confluere (constare legerim) clementiam.  
Vale Eumeni charissime nobis. Magnos magna etiam decere,  
nota vox; & poterat hoc sine fraude immensarum facere  
opum

opus Imperator. Sed de Majestatis Admiratione pro car-  
talia, imò majora, singulorum laudem facilius

Herosis incomparabilis, JOH. SKYTTE, Lib. Baro, Re-  
gni Svec. Senator, Præses Regii in Gothiæ Judicii Lunecop.  
Cancellar. Upsaliens. Academi. & Finlandiæ citerioris Legi-  
lator fuit; qui in donationis tabulis, à venerabili Episcopo  
prolatis An. clæ 1622. ista literis mandari jussus: *Assus:*

Posteaquæ a ipso didicisset usu, quantum ge-  
rendis rebus conduceret prudens Eloquentia,  
(*audite posteri, si respuat hæc præsens ætas,*) se fa-  
vente gratiâ divinâ, Eloquentiæ Politicesq;  
studiis exercendis consecratum, maximâ ex  
parte Regum, Principum, & aliorum benevo-  
lentiam conciliasse sibi, fortunas auxisse, in  
conventibus Regni publicis, & in Legationi-  
bus ad Orbis Europæi Reges Principesq; &  
Respublicas insignem atque nullo ævo inter-  
iorituram liberalitatem expertum; legare  
ideò ex facultatibus redditibusq; suis, Professori  
Eloquentiæ in Acad. Upsaliensi in perpetuum  
salarium \*\*\*. Amplissimam hanc summam  
esse, discimus ex Ornamento Sveciæ *Scheffero*.  
Villas etenim XII. cum ædibus lateritiis fruen-  
das perenni atque confirmatione Regiâ mu-  
nito beneficio legavit. Jam quid de nimia propemo-  
dum

IV  
*Badini in  
Hij. Eccles.  
Svec. Goth.  
l. 8. c. 4. p. 806.*

*In memo. 26.  
Svec. Gent. 4.  
22. 5. 8.*

de unia Reginz (cũ nostra esset, admirabilis,) CHR. . . . nemoremus? unicam *Freinsheimii* Orationem, quã natalem ejus alterum & vicesimum celebravit, milie Imperialium . . . uncialiũ dono splendidissime ornavit. *Qvale nihil ante accidisse ut quã scimus* (addidit Clariss. Virorum.) *et nec post futurum esse, facillime persuademur.* Utinam hoc responderet hoc oraculum, inprimis inter Teutonics, eventui.

*Schefferus  
ibid loci, §. 11.*

Dicat aliquis: quod, qvale, quantum istud genus literarum artiumq; sit? in cujus gratiam tot erogata, vel legata premia à sapientibus, & animis Augustis fuerint? Ego verò efficacius condocere non possum, quã si ad Imperatores & Regios cultores ejus ac braveitas provochem; si merear applausum in hoc obtinendo: populos Europæ Christianæ pugnacissimos semperq; formidabiles, militiã, quã eloquentiã non minùs, *Gallos* istud confirmare. Non recentia edisseram, antiquiora dabo. *Gallia plerq; (ait Cato ille Porcius) res duas industriosissime persecuta, rem militarem & argutè loqui.* Deinde *Hieronymus*, qui diu commoratus ibi olim; *Gallia viris semper fortissimis eloquentissimisq; abundavit.*

*Lib. 2. in  
Orig.*

*ad Vigilant.  
epist.*

Nec suis defraudanda laudibus gens *Suconum* videtur. Cũ plura referat, tũ nullum est illustrius exemplum, quã quod de AXELIO OXENSTIERNA summo Regis pariter Regniq; quondam Administro, sapientiã, fortitudine ac suadã temerè cum nullo comparando ævi nostri prodidit Historicus: fuisse ipsum Virum Eloquentiã instructum admirabili; seu domi atq; in Senatu, sive apud Reges Principesq; foris agitarentur rerũ pondera. Post Divi Regis obitum ex militaribus præfectis multi, sive tadio laborum, sive studio novarum rerum, sive aliquã necessitate inter se con-

veng-

venerant, *Axelium* adorti, ut compellerent ad desideria, nequicquam ausi amplius sunt contrā perorantem. Ad eū cū-  
 etorum animos oratione gravi atq; penetranti eloquentiā de-  
 mulsit, ut nequirent; digressiq; alter alterum vel extrā sese ra-  
 ptum in præsentiā *Axeli* dicentis; deniq; se velut fascinosos in-  
 effabili sermonis humanissimi arcanā suā virtute, ul-  
 terò, nec sine risu mutuo, profiterentur. Nefas fuerit, semidei  
 GUSTAVI ADOLPHI Regis præterire hic facundiam. Et  
 alias non exposcebat (ait iterum *Schefferus* præco) alieni oris  
 operam, rarissimā virtute inter Numinis Vicarios, sive Legatis  
 reddenda essent responsa, sive in Senatu de gravissimis delibe-  
 randum negotiis, sive ad populum de necessitatibus Imperii in-  
 stituendus esset sermo. De Stetino Pomeraniāq; verbis & ora-  
 tione victā potius, quā viribus, post alia hæc idem subdit:  
 Sic GUSTAVUS ADOLPHUS Eloquentiā, quā armis prius  
 fregit hostem.

In memorab.  
 Suet. Gent.  
 529. §. 5.

Quorū autem tot ac tanta, quærat porro aliquis, elo-  
 gia, ad Eloquentiam ornandam concinnata? Propter non  
 ipsam, sed præsentis sæculi, degeneris nimirum, cacoëthes.  
 Quotusquisq; enim vel in Academiis permultis (novimus &  
 vidimus specimina, experti diu,) vel in sedibus Nobilitatis  
 Aulicæ, ad imitamenta FRISIORUM ac GERSDORF-  
 FIORUM SECKENDORFFIORUMq; , Luminum Colu-  
 minumq; rei omnis publicæ, seu sacra, seu civilia expendas,  
 in Saxoniz Misniæq; oris hisce, seridò assurgit? Quorū ad-  
 mirandam Svadz gloriam hic non exaggerabo in opprobri-  
 um posteritatis; istud vel inviti largientur, ab avito studio  
 disoendi atq; exercendi nobilissimas has artes, descivisse fe-  
 rè juventutem Academicam; quandoquidem, ut videantur  
 modò, non ut sint imposterum vel docti, vel disertī, potiore  
 loco habent.

Ista verò tranſeant, dum Eloquentiæ conſiderandi ambitus & limites ſuperſunt. Eloquentiam vocârunt nullâ non ætate Sapientes habitum ornatè, copioſè, & accommodatè de re omni (divina & humana, de Republ. perſonis, rebus, actionibus ad laudem vituperiumvè pertinentibus,) dicendi ſcribendiq; , hominum & populorum animos nunc irritando, nunc ſedando permoventem, Principum conſilia moderantem, ad honeſtatis & juſtitiæ præſidium, & communem hominum ſalutem. Prodeant cœleſtium interpretes oraculorum, Oratores ſacri, &, quid ſine Arte noſtra unquam valeant, conſiteantur. Auſint perſuadere animis, ignari artiſtiorum, inſacundi, verbo exprimam, inepti, erigendo miſeros, terrendo contumaces, animando imbecilles; faciant hæc, inquam, ſine Oratoriæ ſubſidiis. Forenſia civiliq; tractent alii; Legatos agant, à conſiliis dicantur, orent cauſas, ſanciant ſtatuta, voluminibus edendis inclareſcere nitantur; loquantur inornatè, inſicetè ſcribant, eleganti ac diſertà ſint orbatì dictione, umbræ ſunt, aut crepita-  
cula.

Artis Oratoriæ ſi metiamur ſpaciũ ac limites, indefinitus, Gelliano ore, ambitus, qvoad materiẽ, occurrit. Græci, velut *Ariſtoteles*, *Demetrius Phalereus*, & hos ſecuti è Romanis *Cicero*, *Quintilianus* etiam rō *ἱκανοί* amplexi, ſingulas ſub univerſo res, perſonas atqve actiones, qvatenus ad genus aliquod dicendi commodè referri poſſunt, præſcripſerunt. Omnia nimirum, qvæ ex numero perſuaſibilium cenſentur, illi ſubſunt, Nucleum intelligo in primis ex Hiſtoria & prudentiâ Civili; ne quis putamina vocabulorum modò captet. *Tullius* ex tripode: *Si Oratoris*, inquit, *nihil viſeſſe, niſi compoſitè, ornatè, copioſè eloqvi; quaro id ipſum, qvò poſſit aſſequi ſine eâ ſcientiâ, quam ei non conceditis?*

*Quid*

*de Orat.*

*Quid est enim tam furiosum, quam verborum  
vel optimorum atq; ornatisimorum strepitus  
inanis, nullâ subjectâ sententiâ, aut scientiâ?*

*Sic Orator tanquàm omnigena eruditionis belluo; omnium re-  
rum cognitione se nō ingurgitârit, omnes in degustârit, nam in  
eo, quod quis prorsus ignorat, disertus esse nequit.*

*Ac meâ  
quidem sententiâ nemo poterit esse omni laude  
cumulatus Orator, nisi erit omnium rerum ma-  
gnarum atq; Artium scientiam consecutus.*

*Explica-  
tionem tamen aliis Orator libentissimè relinquit; applica-  
tionem sibi ad negotium persuasionis servat, & hac parte li-  
mites agnoscit nullos. Audiamus Fabium de Oratore disse-  
rentem: Ille Dialectica subtilitatem, ille moralis partis utilita-  
tem, ille rerum motus causasq; cognoverit.*

*Ita enim est, Viri  
optimi, ita ex multa eruditione, ex pluribus artibus & omni-  
um rerum scientiâ exundat illa admirabilis Eloquentia.*

*Neque Oratoris vis & facultas, sicut cætera-  
rum rerum, angustis & brevibus terminis  
cluditur.*

*Decipiuntur valdè, qui confundunt Oratoriam ceu  
principem, cum famula Rhetorica; muremq; adeò farina  
sparsum perridiculè pro domino pistrini habent. Tropis  
figurisq; & capitibus paucissimis Rhetorice includunt  
vulgò, & ad arctissimos miserrimosq; carceres damnare O-  
ratorem audent. Rectè Valla: Rhetorem Rhetorica vocamus  
nos Lectorem, non Oratorem: mirorq;, cur in hac sàm facili  
pervulgatoq; nomine exponendo Victorinus errârit.*

*Et du-  
dum*

*Quintil.  
de C. C. cor-  
rupt. Elo-  
quent.*

*lib. 4. Ele-  
gant. 18.*

dum antea Eumenius, cujus supra fecimus honestam mentionem: *Neg, tanta, inquit, me aut negligentia, aut confidentia tenet, ut nesciam, quanta sit inter hanc, & nostra illa secreta studiorum exercitia diversitas. Ibi armantur ingenia; hic praeliantur. Ibi prolusio, hic pugna committitur. Hic plerumq; velut sudibus & saxis; illic telis splendentibus dimicatur. Hic sudore Rbetor & quasi pulvere sordidus, illic insignis ornatu laudatur Orator. Jamq; olim Plinius 4. Epist. 11. Valerianus Licinius nunc eo decidit, ut exul de Senatore, Rbetor de Oratore fieret. Medici Philosophiq; summi inter Italos Hieronymi Fracastorii acumen passim admiratur Julius ille Caesar Scaliger, quem mox illi testem sociabimus. Sic quidem Fracastorius inter alia: Plurimum Orator atq; Rbetor differunt. Alter enim servus est, alter dominus, alter doctor, alter praeceptor; illius, qui servus est, finis est docere, per quae bene dicitur; ejus vero, qui dominus, finis est persuadere. Hic autem: Oratoria est Politica pars, Rbetorica vero λογική; cujus tertia portio Grammatica est. Idemq; Rbetorica eadem cum Oratoria non est; quippe ars Rbetorica Orationi ornatum atq; vim apponit ad persuadendum. Oratoria utitur illius instrumentis. Ad quem locum conferatur suppar Scaligero commentator Sperlingius ingeniosus. Delenda igitur, ut Carolus Regius existimat, opinio illa vilis ac falsa, per quam Oratoris facultas propè videtur in Rbetorum detrudi officinas. Altior haec Professio est, sacra, divina; atq; adeo Philosophica nequaquam servituti subiecta; & quæ ad gloriam illius ampliores alia occurrunt ibi. Vos-  
sus è τῶν, cum ad Aristotelem & Ciceronem provocasset, artificiosam Eloquentiam civilis rationis magnam & amplam par-*

*Dialog. de  
Poët. p. 343.*

*Scalig. 1. de  
subtilit. 3.*

*Meditat. 3.  
ad Scal.*

*In Orator.  
Christian.  
lib. 1. p. 49.*

*lib. 1. de Phi-  
los. & cor.  
sect. 1. 20.*

partem esse, addit: quare Oratoriam in eo genere ponemus,  
ait Cicero de inventione, ut eam Civilis scientia partem esse  
dicamus. Et in Bruto idem: qui Eloquentia dat operam, dat  
prudētia. Non sine Romacho Adamus Tb. Siberus, be-  
nē meritis Senator quondam Academicus hic loci: De-  
niq̃, ut discant, inquit, isti obirectatores Eloquentia, Ora-  
tor rerum, hoc est argumentorum ac scientiarum cogniti-  
onem aliunde accipis, [ex Historia & Politica,] verborum  
disciplinam ipse sibi parit. Idem plura in rem hanc affert  
alibi. Joannes Avenarius, qui Eloquentiæ hanc spartam  
pari laude apud nos ornavit: Floris subcissivis per an. æni-  
simos Civilis sapientia hortulos exspatiatus, quadam com-  
muni studiorum utilitati haud infrugifera, quibus ut plu-  
rimum Oratores ac Politici se delectare consueverunt, colle-  
gi, collecta disposui, disposita publici juris feci.

Merito hic vapulem, nisi in summorum meritis  
famāq; Oratorum Buchneri & Boecleri, propiori jure a-  
liquo venerandorum, acquiescerem sententiis. Sic qui-  
dem ille: Eloquentiæ doctoris provinciam  
non ita definiunt, (prudentes) ut Ciceronis  
tantum Orationibus, aut ejusdem, vel Ari-  
stotelis, aut Quintiliani interpretandis præ-  
ceptis includant; porrigunt latius ejus fines,  
inq̃, Historicorum ditionem usq̃, extendunt,  
cum faciunt copiam eloquentissimum quē-  
que eorum tractandi. Ac, licet conciones in-  
primis commendent, non eò tamen id intelli-  
gen-

Dissert. Aca-  
dem. 20. p. 267

Dissert. 21.

p. 268.

Sesquicent.  
Politie qq.  
dedicas.

Programm.

de ad. 392.

ad An. 1649.



23 gendum est, ac si à ceteris ut alienis, abstinere  
 24 oporteat. — — His rebus adductus, (pergit  
 25 maximus Virorum) atq; ut demandati mu-  
 26 neris implerem partes, cum sapè ante in præ-  
 27 stantissimis quibusq; Historicorum veterum,  
 28 qui Latine scripserunt, privatim juxta & pu-  
 blicè operam posui; tùm nunc T. Livium in  
 manûs denuò decrevi sumere, propositu-  
 rus primordia Urbis Regumq; historiam;  
 tùm quomodò conversa Resp. sit, exactis  
 Regib9, & instituta fundataq; à Bruto liber-  
 tas, Ego, ait Bacl. mecum perpendens, cum & à puero non  
 de studiis magis, quàm de studiorum usu cogitare con-  
 suevissem, & officii præsertim, quod nunc gero, \* cura me  
 commanesceret, ut de præparandis vitæ & usui publico  
 juvenû animis essem sollicitus, visus sum mihi operæ præ-  
 tium factururus, si ad Civilia potissimùm Lectiones publicas  
 & privatas cum exercitationibus plerisq; referrem. In-  
 venias apud quosdam, Politicum non alium, quàm Orato-  
 rem dici. Nota sunt Fabii verba in præm. operis:  
 Vir ille verò civilis & publicarum privatarumq; rerum ad-  
 ministratiōi accommodatus, qui regere consiliis urbes, fun-  
 dare LL. emendare judiciis possit, non alius est profectò,  
 quàm Orator.

Horum omnium ut me auctoritatibus & ratio-  
 nibus experior munitum, sic vestigiis insistam pro virili,  
 nec à mente illa, quam per Annos, indulgentià Numinis  
 ser-

Programm.  
 Acad. 1 p. 13.  
 ad A. 1637.

(Sub auspiciis  
 Professionis  
 Eloquendi  
 hoc scripsit)  
 Idem alibi:  
 Dissert. Aca-  
 dem. 3. de E-  
 loq. Viri  
 Civil. p. 107.

servavi propemodum XXII [dixerim praefici?] rectissima, me dimoveri patiar. Si faciat me Rhetorem fortuna tamen, feram animo lubenti, neq; deprecabor nomen; cum recogitem & *Scribas* appellatos olim, quos nunc vulgò *Cancellarios* vocamus; & *Scholasticos*, qui causarum fuerant Patroni; (*Advocati* in commune audiunt,) *Grammaticos*q; qui *Philologorum* nomine ac *Poëtarum* habebantur clari. Neque me præterea Philologia unquam puduit, aut pudeat in posterum, si tantum Philologo sit omni integrum disserere in publico, quem admodum fas Oratori declamare.

Redeundum denique in viam, & apertius significandum est, quid velim. Posteaquam scilicet elapsa hac hebdomade in *Taciti* Germaniam huc Lectiones meas publicas adduxi per hos menses quatuor, ut pauciora restent, intra breve spatium addenda; apud animum constitui, privatim exercitia, in primis panegyricæ Orationis, recitanda, horis matutinis proximè subjicere. Exponam prius Artis hujus requisita, theματα exhibiturus etiam, Panegyristarum plurium egregios labores cum industriis, hac lege nihilominus, communicabo, ut rem agant serio & manum operi admoveant & linguam. Publicè, ut tempori inserviam præsentī, ad Historiam patientis JESU sacram ex deliciis Philologicis Antiquitates eruam, tradamq; horà vespertina IV. in Acroaterio minorī. Clausulā epiphonematis ē *Cicerone* hausti hoc propositum obsigno:

Per.

Pergite Adolescentes , atqve  
in id studium incumbite , ut  
vobis honori & amicis utili-  
tati , & reipublicæ emolu-  
mento esse possitis. SIC VOS  
DEUS SERVET ! P. P. Dominicâ

REMINISCERE , Anno salu-  
cis reparatæ clō lōc

LXXXIII.



